



Inatsisartunut ilaasortaq,
Anna Wangenheim,
Demokraatit

§ 37 nr. 69-mut tunngasumut akissut

Inatsisartut suleriaasianni § 37, imm. 1 malillugu Maalaaruteqarnissamat taarsiiffiqeqarnissamullu tunngasumik Naalakkersuisunut apeqquteqarputit. Apeqqutit uannut akineqartussanngortinneqarsimapput.

1. Suna tunngavigalugu Naalakkersuisut una siunnersuut UPA 2022-mi ullormut oqaluuserisassaniit peersimavaat: "Peqqinnissaqarfiup iluani napparsimasut maalaaruteqarsinnaanerata taarsiiffiqeqarsinnaanerallu pillugit Inatsisartut Inatsisaat"?

Akissut: Peqqinnissaqarfiup iluani napparsimasut maalaaruteqarsinnaanerata taarsiiffiqeqarsinnaanerani pillu pilersitsinissamat suliaqarnermi ilaatigut pisortaqarfiit attuumassuteqartut sullissinissamat isumaqatigiissuteqarfiginissaannik piumasaaqateqarpoq. Suliap eqqartorneqarnerani paasinarsivoq siunnersuut saqqummiunneqartoq allanngortinneqarnissaannik danskillu inatsisaannik allannguisoqarnissaannik pisariaqartitsisoqartoq.

Siunnersuut tamakkiisumik Inatsisartuni oqallisigineqarsinnaanissaa kingusinnerusukkullu pisariaqartitsineq naapertorlugu inatsisinik allannguisoqartariaqannginnissaa qulakkeerniarlugu, siunnersuut tunuartinneqarnissaa naleqqunnerusoq isummerfigineqarsimavoq. Allannguiq danskit inatsisaannut attuumassuteqartumut siusinnerpaamik 2022-mi oktobarip aallaqqaataani pisinnaavoq, taamaattumillu siunnersuut iluarsaataq 2023-mi Inatsisartut upernaakkut ataatsimiilerpata saqqummiunneqarnissaa sulissutigineqarpoq.

Maluginiaqquneqarpoq oqaluuserisassap tunuartinneqarnerani siunnersuut Inatsisartut tulliani ataatsimiinnissaannut annertunerusumik kinguaattoornissaa naatsorsuutigineqanngimmat.

Siunnersuutip siunertaraa sullissineq pitsanngorsarneqarnissaa aamma napparsimasut pineqartut inatsisitigut illersugaanerata nukittorsarneqarnissaa, taamaattumillu siunnersuut Naalakkersuisunut annertuumik pingaaruteqarpoq.

2. Suna tunngavigalugu Naalakkersuisut siunnersuummik pineqartumik tunuartsineq tunngavilersorsimangilaat?

Akissut: Ulloq 23. februar 2022 Ilaqutariinnermut Peqqissutsimullu Ataatsimiititaliaq ilisimatippara Naalakkersuisut siunnersuut ataatsimiinnermi tullermi Inatsisartut Siulittaasoqarfianut tunuartinneqarnissaanut qinnuteqassamat. Immikkoortup tunuartinneqareernerata kingorna aamma oqaluuserisassaniikkunnaarmat

18-03-2022
Suliap normua 2022 - 6952
All. nr. 19590574

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

immikkoortoq peerneqarsimaneraniq tamanut pisortatigoortumik nalunaarutigineqarpoq, tamanna uani atuarneqarsinnaavoq.


3. Naalackersuisut naatsorsuuteqarnerlutik assingusumik siunnersuuteqassallutik, taamaattoqassappallu qaqugu?

Akissut: Napparsimasut maalaaruteqarnissamut - aamma taarsiiffigitinnissamut periarfissat pillugit sapinngisamik piaartumik Inatsisartut inatsisissaattut siunnersuummik Naalackersuisuniit saqqummiussinissaq sulii pilersaarutigineqarpoq. Apeqquummut 1-imut akissut innersuussutigineqarpoq.

4. Naalackersuisut pineqartumut allamik paasissutissiisinnaanerlutik?

Akissut: Naamik, massakkuugallartoq soqanngilaq.

Inussiarnersumik inuulluaqqusillunga



Kirsten L. Fencker

Peqqinnissamut Naalackersuisoq